



# ARUBAANSE COURANT

## DIARIO ARUBANO

REDACCION Y SUBSCRIPCION TEL: 2116  
MANAGEMENT Y ANUNCIO TEL: 1116  
MANAGER: E. WOUTERS

DIAMARS 28 DI SEPTEMBER 1965.

EDITA PA: ARUBAANSE DRUKKERIJ, UITGEVERS  
& PUBLICITEITS MIJ N.V.  
IMPRIMI PA: DRUKKERIJ "DE STAD"

## Su Mahestad Reina Juliana



Su Mahestad la Reina a nace dia 30 di april 1909 den Paleis Noordeinde na Den Haag, como yiu muher di S.M. Wilhelmina Helene Paulina Maria, Reina di Hulanda, Prinses van Oranje-Nassau, Hertogin van Mecklenburg, etc., etc. y S.A.R. Hendrik Wladimir Albrecht Ernst Prins der Nederlanden, Hertog van Mecklenburg.

Su hubentud e prinses a pasa na paleis Noordeinde na Den Haag.

Durante e promer guerra mun-

dial e famia real a biba den Paleis Huis na ten Bosch, na rand di Den Haag.

Tempu qu Prinses Juliana a cumpli seis aña, su mayornan a dicidi -- despues di a tuma conseho serca e conochio pedagogo y especialista di enseñansa Jan Lighthart -- nan a dicidi di instala un klas pa algun mucha mes hoben cu e prinses den Pa-

Paleis Huis ten Bosch. Despues di e promer añanan di enseñansa, e prinses a haña les den wis y natuurkunde, hulandes,

frances, aleman e ingles, historia en general etc. Algun maestro privá tabata dunale les den e materianan aki.

Dia 2 di mei 1927, despues di algun dia qu el a cumpli 18 aña prinses Juliana a drenta den Raad van State.

Di acuerdo cu constitucion hulandes, e probable heredero di trono tin derecho riba un puesto den e colegio aki.

Dia 20 di september 1927 Prinses Juliana a asisti na su promer inauguracion di Staten-

Generaal.

Despues di siete aña di enseñansa avansá, Prinses Juliana a haña permiso di su mayornan pa inscribi como estudiante na e universidad di Leiden.

Durante su periodo estudiantil prinses Juliana huntu cu algun a bai biba den un cas na e boulevard di Katwijk aan Zee, y a participa completamente na e actividadnan estudiantil.

E periodo di estudio na Leiden a ser culminá cu un promocion di honor como doctor den letteren y wijsbegeerte dia 31 di januari 1930.

Den e añanan qu a sigui, e prinses a tuma e iniciativa pa funda e Nacional Crisis comite y a hasi algun viahe den estranheria pa orienta su mes, aparte di a cumpli cu hopi obligacion di eventonan social.

Despues qu Prins Hendrik a fallece na 1934, e Prinses a sigui den e pasonan di su tata como presidente di Nederlandse Roode Kruis, locual a tuma

hopi di su tempu diariamente.

Dia 8 di september 1936 e compromiso entre Prinses Juliana y Prins Bernhard van Lippe-Biesterfeld a ser anuncia y algun luna despues, dia 7 di januari 1937, e matrimonio a ser efectua.

Despues di e honeymoon, e pareha a bai biba na Paleis Soestdijk na Baarn mientras qu na agosto nan por a anuncia qu tabatin un prinses ta bai nace.

Dia 31 di januari 1938 Beatrix Wilhelmina Armgard, Prinses der Nederlanden, Prinses van Oranje-Nassau, Prinses van der Lippe-Biesterfeld a nace na paleis Soestdijk.

Despues qu e alemanan a ataca Hulanda dia 10 di mei 1940 y e pais a capitula despues di cinco dia, Prinses Juliana y Prins Bernhard a bandona Hulanda cu nan dos yiunan dia 12 di mei a bordo di e bapor di guerra ingles H.M.S. Codrington.

Riba insistencia di Reina Wilhelmina, prinses Juliana a bai biba na Canada.

Den verano di 1941 Prins Bernhard a bini Merca pa promer blaha.

Den su presencia Prinses Juliana a haña un doctorado honorifico di Hope-college den e ciudad Holland, qu a ser fundá door di Hulandesnan na Michigan.

Dia 19 di januari 1943 Prinses Margriet Francisca a nace den e Civic Hospital na Ottawa.

Pa e ocasion aki gobierno di Canada a declara un parti di e hospital como terreno ex-territorial pa no bini complicacion tocante nacionalidad di e recien nacida.

Despues di a dedica algun tempu na su yiunan, Prinses Juliana a bolbe cuminsa participa na bida publico atrobe y na november di e aña ei el a bishita

Surnam, caminda el a ser ricibi cu masha entusiasmo. Durante un siman Prinses Juliana a keiru rond di e pais. Algun luna despues, na februario 1944 e prinses a bin bishita Antillas Neerlandes.

Na september 1944 prinses Juliana a regresa Inglaterra pa bai uni su mes cu su mama y casá.

### FATUM

Pa tur bo asegurado  
Tel. 1845

Na invierno e prinses a bolbe bai Ottawa comoquiera qu e liberacion di Hulanda no a tuma lugar manera a ser calculá.

Na april 1945, tempu qu e ofensiva contra alemanan tabata den full swing, e prinses a bolbe bini Hulanda pa huntu cu Reina Wilhelmina nan bai biba na Breda.

E anochi di 4 Mei 1945 a trese e rendicion incondicional di e alemanan.

Prinses Juliana a bolbe blaha pa Canada pa bai busca su yiunan y gradicid e Canadiensenan pa nan hospitalidad.

Na principio di 1945 e famia real a yega Apeldoorn y a sigui mesora pa Paleis Soestdijk, caminda 3 dia despues un gran fiesta

Continua riba pag 3

## BEBE.



## Nunca E ta Varia

E HOLOSHI CU TUR ATRACCION:

Calidad, bunitza, prijs - e holoshi perfecto. Tin bon motibo, pakiko Tissot ta un di e holoshinan mas bendi, hasta na Suisa e pais unda holoshi ta worde traha "par excellence".

Tissot ta ofrece Bo, na un prijs sin igual, calidad y elegancia superior di un seleccion exclusivo, aclamá entusiastamente pa expertonan den henter mundo.

Weit di serca y comparé.....

Mescos cu tur otro hende, lo Bo ta di acuerdo, cu e "Belleza" aki tin tur atraccion. Tissot ta e holoshi perfecto pa Bo.



SPRITZER + FUHRMANN  
*The Jewelers of The Caribbean*

Aruba - Bonaire - Curacao - St. Maarten - New York

## REMITIDO

"Sr. Redactor, permitimi un espacio de bo corant, leza den tur skina di Aruba.

Apreciado lectoran, Den e diccionario di Koenen ta para tras di e palabra "democracia"; forma di gobierno, cual ta duna na henter e poblacion influencia riba e gobierno y entre otro ta reconoce dilanti ley e derecho di libertad di expresion, libertad di personal e igualdad pa tur cos.

Sin embargo e "Liberad personal" ey parece no ta existi pa Aruba. Cu sr. Mathias Vrolijk (un invalido) dia 21 di september a celebra su cumpleaños, apreciado lectoran, enberdad no ta nada stranjio.

El a invita su amigo-, bisinja-, y coleganan, percura pa cuminda bibida y musica ballable y efesta por a cuminsa.

Cinco miembro di un steelband local, a sorprende Matty c'un serenata musical di kita sombre.

Te 11.40 di anochi tabata un fiesta di rey. E ora ey e brasa fuerte a presenta den forma di 2 polis arma, cu a puntra pa papia cu e donjo.

E dos "senjornan" aki, pasobra esaki nan tabata, a informa si e steelband tabata pertenece na e fiesta.

Ora cu esaki a worde afirma, nan a puntra si no por toca mas poco poco, como cu e sonido no tabata laga hasta e bisinjanan di mas leu sera nan wowo (????)

En todo caso a sosode, cu despues di un combersacion ameno, nos a jega na un acuerdo, cu e steelband lo stop di toca pa 12<sup>o</sup> or di anochi.

E senjornan a bai y como cu e ora ey tabata diez pa diezdos, e persona cu tabata celebra su anja a duna ordu pa toca un ultimo numero.

Exactamente diezdos<sup>o</sup> or a presenta un sujeto di apariencia miserabel, kende c'un cara bon sara a drenta paden y a stop e musica, cu ya tabata cabando.

Ora cu un di e huespednan a puntr'e ta cu cual derecho el a

haci esey el a contesta: "T'ami ta manda aki y loke mi bisa, esey ta sosode. Si un blahamas mi tende musica mi ta confisca tur cos". (Rusia??)

Mi a conseha sra. Vrolijk pa puntr'e pa su papelnan y si e no por mostra nan, pa pone porta afo como huesped indesea, algo cu e senjora a haci tambo.

Pa mantene e paz asina dushi, y segun convenio, a stop cu e musica di steelband y pronto e tononan alegre di Edmundo Ross tabata resona den e "loudspeakers" di e toca-disco.

Apenas nos a hanjatiempo bini bij di e prome choke, cu ata un segundo a sigi.

E mesun sujeto, asisti pa dos otro hermano arma te na djente a "ranca" e porta habri, pusha sra. Vrolijk bruscamente un banda y a cuminsa ta ranca na e wayanan di e loudspeakers.

Sra. Vrolijk a trata na stroba esaki.

Un blaha mas el a ser pusha un banda y cu hopi "autoridad" nan a bai cu e toca-disco.

Despues a resulta, cu e meneer sin manera ey no tabata ningun otro hende, cu e hefe di nos polis na San Nicolas. Ademas e tabata sa masha bon, cu e nomag drenta asina asina, pasobra 2 testigo na e porta di cura a tende bisa, "Nos no mag drenta, pero nos ta drenta tog".

Apreciado lectoran, naunda nos ta bai?

Ta caracteristicanan di un tiempo nobo esakinan ta?

E atraso di Aruba ta bai mano en mano cu dictadura y abuso di poder?

Ta existi ainda leyman cu tin relacion riba "drenta cas di otro sin permiso?"

Por favor no molestia nos rumannan polis cu tin di traha asina "duro" door di cumpli anja.

Y si tog bo tuma e curashi pa toca musica, anto ser carinioso si un meneer drenta, kende ta confisca loke cu e hanja y kende cu su nanishi den haltota declara: "T'ami ta manda aki".

Podiser e ta un ruman di Fidel Castro in cognito.....

A.J. Geerlings.

## LECHI PET

E lechi for di e mihor bacanan di Hulanda y

**Carnation  
Chocolate Milk**



cu su sabor di chuculati  
puro.... ta sigi ricibi pre-  
cioso regalnan nobo pa  
cambia.



Cu solamente 24 etiketa grandi of 48 chikito bo ta hanja bunita koppi cu scotter, canica pa lechi, contenedor pa sucu, scaalchi, tajó hundo y plat, tur di material cu ta resisti calor. Cambia bo etiketanan na:

**POSNER'S AGENCIES**

Scucha tur DIARAZON di 2.00 pa 2.15 p.m.  
via RADIO ANTILLIANA

CHARLA MEDICO A CARGO DI

**DR. C.G. HURTADO**

Radio Antilliana 775 Kc - 388 m. Aruba

# 3 CAMPEON ANTILLANO

1: E popularisimo sigaria ANTILLANA ta brinda bo o

verdadero placer di un tabaco puro y agradable.

Un producto di nos terrefructu pa satisfaccion e gusto Antillano

Un productoproduci pa trahadornan di nos propio pais.



2: Fresco manera n brisa di anochi cu ta trece alivia

despues di un dia caloroso. PALM BEACH Sunvamento

mentolise cu su filtro blanco ta refresca y duna satisfaccion.

Un sigaria di calidad.

3: CASINO, cu su filtro di charcoal ta prueba palpable di cu nos industria

inculca na di cu un ultimo invento den fabricacion di sigaria.

Su rapida aceptacion pa pueblo Antillano ta demostra su alta calidad y sabor moderno



## TRES CAMPEON ANTILLANO

FABRICA PA:

ANTILLIAANSE SIGARETTENFABRIEK N.V.

DAVIDO ADVERTISING

# CHRYSLER MOTOR CORPORATION A AUMENTA SU PRIJSNAN

NEW YORK -- UPI -- E hecho mas señalá di siman den panorama di economia nacional tabata un dia di preocupacion intenso inflacion di e prijsnan di auto un excepcion den estadisticanan, generalmente alentadora.

For di basta tempu inflacion tabata motibu di preocupacion pa economistanan di gobierno, cu no a laga di observe atentamente y a eherce presion pa mantene regimen di prijs y salario na nivel.

Generalmente nan a opina cu no tabatin inflacion den e ultimo cuater anjanan di prosperidad nacional sin precedente y cu e aumentonan chikitu tantu den prijsnan como den salarionan tabata bon nivela y justifica en vista di e productividad pa trahador creciente.

Sin embargo awor e presion a multiplica. E contract nobo di industria di stal cu su trahadornan sindicado a produci aumentonan di salario notabel pa e ultimonan aki y e expertonan te ainda ta discuti riba si e arreglo tabata di acuerdo cu e linea anti-inflacionista cu a ser fihá pa gobierno.

Na mes momento tabatin un aceleracion pronuncia -- incluso den aspecto oficial -- den e compromisonan di gobierno relaciona cu guerra di Vietnam, cu

un aumento creciente di produccion di material belico, y pa su braya e panorama aki, Chrysler Motor Corporation a anuncia e siman aki e prijsnan nobo pa nan modelonan di 1966, di 45 pa 83 dollar pa unidad, e promer aumento general di prijs cu a ser dispone pa cualquier productor di auto dor di 1959.

Oranan despues di e anuncio di Chrysler, Casa Blanca, varios legislador y e Sindicato di obreronan automovilistico, a expresa nan sorpresa y indignacion. Nan a teme cu e otro productonan lo hasi mescos, quizas cuminsando asina un ola inflacionista berdadera. Pero e temornan aki a bai e dia siguiente.

General Motors a anuncia nan prijs pa 1966, cu realmente ta mas abao cu su modelonan di 1965. E aspectonan nobo di seguridad opcional na costo extra, cu a ser introduci na 1965, a ser ripiti den e modelonan di 1966, convirtiendo den norma, paloque e prijsnan basico a registra cierto aumento en relacion cu e modelonan opcional di 1965.

Nan ta kere cu Ford Motor Company lo cotiza na prijsnan similar pa competi cu General Motors y cu e presion por obliga Chrysler reconsidera su prijsnan.

Pero e economistanan ta ere

cu e efecto psicologico di e decision di General Motors, deno aumenta su prijsnan, lo ta di mayor importancia pasobra e obrer industriar grandí no mester di justificacion pa aumenta dnan.

Sin embargo, ya a ser registra algun aumento den haafnan di Atlantico y di Golfo na unda e cargonan pa manejo di mercaderianan lo ta superior -- di cinco pa 12 por ciento -- cuminsando for di promer di oktober, mientras cu prijs di sucu pa consumo nacional lo ser aumenta cu 15 cen pa 100 liber. Esaki lo afecta mercado bruto. Tambe lo tin aumento -- di 4 pa 7 por ciento -- den zapatanan segun e productornan, tantu grandi como chikitu a anuncia.

Expertonan di gobierno, observando cu e fabricacion nacional ta produciendo 91 por ciento di su capacidad -- e nivel haltu cu a ser registra for di 1955 -- den cual a cuminsa un ciclo inflacionista cu a dura cuater anja -- ta vigila e situacion atentamente. No obstante, nan ta kere cu expansion di fabricacion cu segun nan ta spera lo ta na un costo sin precedente di 50 000 million dollar e anja aki lo e aumenta notablemente e produccion y lo alivia presion entr esaki y e demanda.



# RELACIONNAN MERCA RUSIA NO A CAMBIA

WASHINGTON -- UPI -- E discursu di e minister sovietico di relacionnan exterior, Andrei Gromyko, na Nacionnan Unita indica cu e cooperacion Ruso-Norteamericana den e cuestion di Cachemira tabatin poco efecto riba e relacionnan general di Estados Unidos i Union Sovietica.

Funcionarianan norteamericano ta bisa cu e tono di declaracionnan di Gromyko, aunque relativamente modera, ta señala cu e principal problemanan entre e dos paisnan ta continua sin ningun cambio.

E norteamericano nan ta afirma cu nan declaracionnan na Nacionnan Uni no tabata contene nada nobo, principalmente nan ataque contra Estados Unidos pa e cuestion di Vietnam i e reiteracion di oposicion sovietico na e propuesta pa formacion di un fuerza atomica multilateral den OTAN (Organizacion del Tratado del Atlantico Norte).

Estados Unidos i Rusia a evidencia un coincidencia di puntanan di bista riba Cachemira, trahando ambos den e consejo di seguridad di Nacionnan Uni pa logra un cesacion di hostilidadnan entre India i Pakistan.

E unica conversacionnan cu e representantenan di ambos pais tabatin, sin embargo, tabata riba resolucio nnan especifica di NU.

Ambos tabata parce primordialmente preocupá cu e amenaza di un intervencion di China Comunista i e peligernan cu e desorden i e caso economico na e península India por nifica pa paz mundial.

# WHITE HORSE OF COURSE!



Continuacion di pag 1.

ta a ser tené pa celebra e hasimentu di aña di Prinses Irene. Tur mucha den vecindario a ser invita y a hafa limonada cu bolo. Na principio di 1946 prinses Juliana y Prins Bernhard a inicia un viahe pa e paisnan cualnan durante guerra a hasi hopi cos pa Hulanda. Dia 19 di februari 1947 Prinses Maria Christina a nace y despues di a dedica algun tempu

na su familia, e prinses a funciona algun siman como Regentes, ora qu e salud di Reina Wilhelmina a quebrantá un tiki. Dia 4 di september Reina Wilhelmina a abdica y cu firmamentu di e acto Prinses Juliana a bira automaticamente Reina. Dos dia despues, 6 di september 1948, e instalacion a tumalu-

gar den Nieuwe Kerk na Amsterdam banda di e palacio real riba Dam. Un di e actonan mas importante di e reina nobo tabata e traspado di coberania di Indonesia, qu a ser firma dia 27 di december 1949 den Burgerzaal di e palacio real na Amsterdam. Den e añanan qu a sigui, La

Reina y Prins Bernahrd a bishita Francia, Inglatera y Luxemburg mientras qu den nan propio pais nan a bishita e ciudadnan grandi y provincianan. Na 1954 tabatin un Ronde Tafelconferencie na Den Haag cu Surnam y Antillas Neerlandes qu a resulta den anuncio di Statuut di Reino qu ta duna ambos parti

di Reino autonomia interno y alabes ta regla e derecho di participacion den asuntonan di Reino. Dia 15 di December 1954 La Reina a firma e Statuut. Poco despues di esei e pareha Real a hasi un bishita na Antillas Neerlandes, y Surnam, caminda nan a ser ricibi cu gran entusiasmo.

# THIS MONTH

## BUY A PAIR OF



## TIRES



### AT DISCOUNT PRICES

# Why not ATLAS? they're on



## Visit your Dealer SOON

### (STOCKS ARE LIMITED - THIS OFFER WILL EXPIRE SOON - SO HURRY!)

# Prelado a pidi Asamblea pa observa papel di diabel na mundu

Pa: Rufus S. Goodwin,  
CIUDAD DEL VATICANO -- UPI  
-- Un prelado di e Concilio Ecu-  
menico a pidi Asamblea awe pa  
nan observa e papel di diabel den  
mundu moderno.

Diabel a surgi den e debate  
riba e documento di 126 pagina  
relaciona cu "Iglesia den mundu  
moderno" cu ta e promer intento  
den historia di Iglesia cu a ser  
dirigi pa trata problemanan mo-  
derno, manera coherencia nuclear  
crecemento di poblacion y tecno-  
logia.

Den un votacion cu a ser efec-  
tua ayera e obisponan a aproba  
inicialmente texto di documento  
como base di e discusion, pa un  
margen di 2,111 contra 44 voto.

Obispo Giuseppe Marafini, di  
Veroli-Frosinone, Italia, a keha  
di cu e documento ta papia di  
"malunan di mundu, mientras

cu e ta hasi caso omiso di e  
presencia di pica, cu ta accion  
malu di diabel, y di pica ori-  
ginal, di esnan cu ta procede e  
conflictonan entre bien y mal  
den profundidnan di alma  
di homber".

Pa su parti, e obispo German  
Volk, di Mainz, Alemania, a keha  
tambe riba e problema teologico  
di e destino di homber, "E do-  
cumento ta basta deficiente y  
apenas el ta menciona pica".

E redactornan di e mensahe  
"A todos los hombres" a ab-  
stene na n deliberadamente di  
papia hopi di pica ya cu e pro-  
posito cu Concilio mester sigui  
ta pa habri un "dialogo cumun-  
du moderno" den su propio ter-  
minonan y cu acento positivo.

Un otro pader di e Concilio,  
obispo Andre Charue, di Namur,  
Belgica, a bisa cu Concilio mes-

ter defini ki ta nifica e palabra  
"Mundu" ya cu segun e Testa-  
mento nobo e por ser interpre-  
ta como "e mundu di pica y di  
division; raza humana manera e ta  
liga pa pica y separa pa Dios".

Monseigneur Charue a expresa  
tambe su obheccionnan tocante  
"Mundu" ta nifica expansions es-  
pacial di mundu manera nan ta  
interprete pa e tradicional pers-  
pectiva di "Cielu y di Terra".

El a afirma cu e expresion aki  
"ta parse absoluta den nos era  
interplanetaria".

Texto di e documento ta bisa  
cu "Mundu", ta den enemistad  
cu Dios te ora cu nan reconcilie  
a traves di fe".

E experto conciliar R.P. Fran-  
ces J. McCool, jesuita neoyor-  
quino y profesor di Sagrada Es-  
critura den Instituto Biblico Ponti-  
ficio di Roma, a declara durante  
un conferencia di prensa despues  
di e sesion di e Concilio cu  
tendencia moderna ta pa pais mas  
di "forsanan di malu" cu dia-  
bel.

"Reconocimientu di poder di  
malu por ta di gran ayuda den e  
documento", McCool a bisa.

Pa su parti, monseigneur -  
George W. Shea, rector di e se-  
minario di Inmaculada Concep-  
cion na Darlington, Nueva Jersey  
y tambe un experto conciliar,  
a muestra su mes den desacuerdo  
cu e punto di bista di malu y a  
bisa:

  
Het Bestuurscollege van het Eilandgebied Aruba  
maakt bekend, dat op 2 november 1965 om 11 uur  
v.m.

## OPENBARE AANBESTEDING

wordt gehouden ten kantore van het Hoofd van de Dienst Openbare  
Werken voor de werken volgens bestek D.O.W. No. 10 - dj. 1965:  
Het maken van een schakelhuis en kadeverlichting en het aanbrengen  
van wijzigingen in de bestaande installaties op het haven terrein  
te Oranjestad. Inschrijvingsstukken zijn op voormeld kantoor  
verkrijgbaar tegen betaling van f. 15,- per stel. Restitutie: f. 5,-  
per ongeschonden stel, uitsluitend op de dag van aanbesteding.

  
**TRAHAMENTU NA HULANDA**  
Departamento di Asuntonan Social y Economico, Aruba ta infor-  
ma hobennan Antilano cu ta interesa pa traha na e firma "Ge-  
broeders van Swaay" den e siguiente ofishinan:  
electricien  
plaatwerker  
bankwerker  
pa bin duna number na departamento di Asuntonan Social y Eco-  
nomico, Arendstraat 1, dia 4 of 5 oktober 1965.  
Nan mester trece nan diploma y/of getuigschriften.  
Solamente solteronan no menos cu 18 aña por bin duna number.  
Hoofd Dept. Social & Economische Zaken,  
Afdeling Aruba.

In verband met het

## KONINKLIJK BEZOEK

zullen de onderstaande banken op Aruba

**VRIJDAG 1 OCTOBER**

en

**ZATERDAG 2 OCTOBER**

**GESLOTEN ZIJN**

Aruba Bank N.V.,

Aruba Commercial Bank,

Banco Popular Antilano N.V.,

Caribbean Mercantile Bank N.V.,

Hollandsche Bank-Unie N.V., Aruba

## HINDERVERORDENING ARUBA

De Gezaghebber van het eilandgebied Aruba maakt bekend dat  
een door H.G. Williams ingediend verzoek met bijlagen om ver-  
gunning tot het in werking mogen hebben van een autorepara-  
tiefabriek op een perceel grond gelegen aan de Wilhelmina-  
straat no. 115 te Oranjestad, gedurende dertig dagen na heden  
op het Bestuurskantoor, afdeling Algemene Zaken, ter inzage  
ligt en dat gedurende deze termijn eenieder mondeling of schrift-  
telijk bezwaren tegen bedoeld verzoek kenbaar kan maken.

PA BO FIESTANAN TA UN EXITO REDDY MESTER TEY

PA BO ILUMINACION TA PERFECTO



B I B A

M I H O R C U

E L E C T R I C I D A D



Tel. 2170

**Cesacion di fuego entre  
India y Pakistan  
ta continua**

NUEVA DELHI -- E cesacion  
di hostilidadnan entre India i Pa-  
kistan ta continua awe na vigor,  
aunque ambos parti ainda te re-  
cela otro mutuamente.

E ministera di informacion,  
señora Indira Ghandi, yiu di e  
difunto prome minister Jawahar-  
lal Nehru, a declara ayera  
cu India lo no retira su fuerzan  
di e puntunan na unda amena-  
za di infiltracion pakistana ta con-  
tinua.

Segun e informacionnan ricibi  
na e capital aki, Pakistan tambe a  
dici di no move su trupanan  
di e posicionnan cu e ta ocupa  
te ora cu e problema di Cache-  
mia ser resolvé.

E sirena i alertanan aerea ta  
ser proba i ensaya na e zonanan  
di frente. Ayera noch a ser tende  
un alarma aerea na Jullundur  
Ludiana, na Punjab, segun infor-  
macionnan cu a yega Nueva Del-  
hi.

E intensa nevada cu ta caje-  
do den e zona di Paso de Natu-  
la, na e frontera di Sikkim cu  
Tibet probablemente lo forsa e  
comunistanan chino pa retira den  
e region i disminui na e mes un  
tempu movimientonan di e tropa-  
nan na otro pasonan.

E transito ferroviario i ae-  
reo, cu a ser desbarata pa mo-  
vimientonan militar grandi, i  
restriccionnan di apogonnan, ta  
bolbe lentamente na normalidad.  
Funcionarionan di Srinagar ta  
bisa cu tambe ta ser reanuda e  
trafico di importacion i exporta-  
cion.

Pero e funcionarionan ta afir-  
ma cu e calma cu ta reina ta  
"anormalmente normal" debido  
na cu ainda fin na Cachemira al-  
rededor di 4.000 pakistano cu a  
infiltra den e territorio.

**GRUNDIG**

**WIMCO-ARUBA**



*Si, mi ta tuma nota...*  
**FALTA SOLAMENTE 2 DIA**

**DIA 30 LO TA**

*cerramento di e grandioso concurso di*  
**REY DE COPAS!**

*Si, esey mi sa, tur loke mester haci ta:*

MEMO

-----  
 Simplemente duna un nomber bunita  
 na e 5 popchinna den Show-window di  
 oficina di Rey de Copas y gana placa!  
 -----

E premionan lo  
 worde reparti  
 se  
 segun e cantidad  
 di personanan cu  
 tin e mes nom-  
 ber pa cada pop-  
 chi cu a worde  
 favoreci.

#### REGLANAN PA PARTICIPA DEN E CONCURSO

- 1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastraat No. 47 y bo ta hanja un formulario pa yena bo nomber y direccion y e nombrenan pa e cinco rumannan.
- 2) Entregá e formulario aki yená na oficina di Aruba Distilling Co., Wilhelminastr. No. 47 y percure pa bo recibo, cu ta pega na e mes formulario, ricibi su stempel di entrega.
- 3) Warda dia 30 september 1965 y cobra bo placa si e nombrenan cu bo a duna ta e nombrenan favorecé.
- 4) E mes persona por yena cuantun formulario cu e ta desea, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombrenan escogí.
- 6) Exigi pa bo recibo tin un stempel di Aruba Distilling Co.

**SEMPER E FAVORITO**  
**RON REY DE COPAS**  
 EL REY DEL TRAGO

#### NOTA:

Directiva di Aruba Distilling Co. ta e unico entidad responsable pa scogemento di e nombrenan. E nombrenan aki lo no ser scoge pa suerte y si e nomber aki ta igual na cualkier nomber cu surgi pa algun acontecimiento, esaki ta debido na pura casualidad.

# REY DE COPAS

**ARUBA DISTILLING CO. Wilhelminastr. 47 Tel. 1266**





# LA REINA Y PRINS BERNHARD A YEGA CORSOW AYERA MAINTA

WILLEMSTAD - Bao di enorme interes di parti di publico, e crucero Hr. Ms. De Zeven Provinciën, a drenta haaf di Corsow ayera mainta y bai mara na Nieuwe Haven cu S.M. La Reina Juliana y S.A.R. Prins Bernhard a bordo, quendenan awe a inicia nan bishita na Antillas Neerlandes y qu lo dura te dia 8 di october.

Ya for di mainta trempa, un multitud di hende a cuminsa yena e murayanan di e fortin bieuw tantu na Otrobanda como Punda pa mira e crucero cu e visitantenan real a bordo, cual tabata preparando pa drenta haaf exactamente binti minuut pa ocho. Exactamente mitar di ocho e crucero a cuminsa los 21 tiru di saludo na bandera di Reino cual a ser contestá despues di un pausa chikitu cu 35 tiru for di e cañonnan di Waterfort pa saludar e bandera Real.

Inmediatamente despues di e intercambio aki, e crucero a drenta St. Annabaai.

Miles di garganta a cuminsa grita bienvenida na e pareha Real y e ovacion aki a stop solamente despues qu e crucero a desaparece den birada di St. Annabaai pa bai mara na Nieuwe Haven.

Aki tabatin un otro multitud, si tabata posibel mas grandi ainda qu esun na Punda y Otrobanda, qu a reunia presencia yegada di La Reina y Prins Bernhard.

Ya aki tabata cla ta spera e pareha real, e comision di re-

cepcion qu e blaha aki tabata consisti di representantenan di tur sector di nos comunidad y qu tabata esun di mas grandi qu tabatin pa cualquier otro bishita oficial.

Asina e gigantesco crucero a caba di mara, e trappie pa via di cual e pareha real y nan gevolg mester a baha a ser pegá cu e bapor y Reina Juliana y Prins Bernhard a baha na terra.

Mientras tantu e fanfare di mariniers tabata toca un parademars.

Promer qu e pareha real a baha na terra, nan a tuma despedida di capitan di e crucero y e tripulacion a dunele e despedida típico pa hefenan di estado gritando tres blaha Hoezee y teniendo nan petchi na laria.

Ya na e momento aki e publico presente, den rijnan diki a cuminsa ovaciona e pareha real mientras qu gobernador, promer minister y Gezaghber tabata sperando abao na trappie.

Inmediatamente despues di e saludo aki, e pareha Real a baha e trappie, caminda e au-

toridadnan arriba mencioná a saluda nan.

Mesora qu e soberana y su casá a pone pia na terra Antillana, e fanfare di marine a cuminsa toca un couplet di Wilhelmus sigui pa un couplet di himno Antillano.

E momento aki tabata sumamente emocionante pa e realce qu e presencia di e pareha real a duna na e ocasion.

Despues di e saludo di bienvenida Commandeur P.W.C. de Vos a ser presentá na e pareha real, quende a compaña nan pa inspecciona e guardia di honor qu tabata formá door di mariniers qu ta stacioná na Corsow.

Despues di a inspecciona e guardia di honor militar, La Reina y Prins Bernhard, acompaña pa gobernador Mr. N. Debrot, Minister president E. Jonckheer y Gezaghber M.P. Gorsora y e adjudantnan di e pareha real, a continua pa ser presentá na e comision di recepcion caminda nan a saluda primeramente e Raad van Ministers den su totalidad y completá cu nan secretario Mr. van der Made, y despues a saluda e lidernan di fraccion di tur e partidonan político den Staten y griffier di Staten señor F.D. van Grieken; miembronan di Raad van Advies; miembronan di Corte di Husticia; di Algemene Rekenkamer, hefenan di departamento di gobierno, hefenan policial, e mas alto militarnan stacioná na Antillas Neerlandes, Corps Consulaire, Gezaghber interino A.J. van

Hesteren y e diputadonan tur cu e lidernan di fraccion den Eilandsraad, e delegacion di Comercio e Industria, y finalmente e delegacion di vakbondnan.

Anteriormente na e presentacion aki señorita Indira Wleis di 8 aña di edad, a ofrece La Reina un bouquet di flor, cual gesto a ser visiblemente apreciá pa La Reina.

Despues di e presentacion aki, e pareha real acompaña pa e autoridadnan local a pasa dilanti di e rij di honor formá pa matroosnan y a bandona e terreno via di e porta na man robes. E erehaag pafor tabata formá pa gruponan di Roode Kruis, E.H. B.O., Padvinderij y Jonge Wacht E lidernan di e gruponan aki tur a ser presentá na e pareha real door di gobernador Debrot y minister president E. Jonckheer. Ora e visitantenan a yega na final di e erehaag y qu nan tabata cla pa drenta den e auto qu a transporta nan nan pa e monumento pa victiman di segunda guerra mundial, 35 tiru tiru di saluut a ser di los door di e crucero Hr. Ms. De Zeven Provinciën.

Despues di e ceremonial na Nieuwe Haven, e alto visitantenan a tuma lugar den auto pa bai e monumento caminda lo tabatin un ofrenda floral. Na henter e ruta di Nieuwe Haven tabatin multitud di hende na ambos banda di caminda pa expresa nan afecion y lealtad na e pareha Real.


E ruta qu a ser sigui tabata: Rijkseenhedboulevard - Fokkerweg - Kerkhofweg - Berg Altena - Jullianaplein - Abraham de Veerstraat - de Ruyterkade - Dempelstraat.

E programa pa awe ta lo siguiente:

Di dies or te mitar diesun, gobernador ta ricibi representante nan di tur sector civil, militar y eclesiastica riba nos isla, y mitar di diesdos lo tin un reunion extraordinario di Staten, caminda Su Mahestad la Reina lo dirigi palabra na pueblo di Antillas.

Awe tardi cuat or lo tin un rondrit door di stad cu e siguiente ruta: Fort Amsterdam - gouvernementsplein - Koningin Emmabrug - Brionplein - Pater Euensweg - entrada di St. Elisabeth's Gasthuis caminda lo ser ofrecé un regalu na La Reina y despues e gira ta continua door di Breedestraat - Brionplein - de Rouvilleweg - Hoogstraat - Casa Cuna Koningin Juliana, bishita na Zeemanshuis, bishita na Sanatorium, bishita na Caralisch Marien Biologisch Instituut, despues di cual e gira ta sigui pasando door di Punda pa Penstraat y Marie Pampoen, pa despues bolbe bini abao y stop na Bureau di Burgerlijke Stand caminda señor Hollander lo duna un splicacion di restauracion di edificio.

E rondrit aki ta termina cuartu pasá di seis di atardi. Anochí mitar di nuebe e pareha Real lo sinta na un diner na palacio di gobernador.







# PAGINA DEPORTIVO



DI STEFANO, PEDERNA, ROSSI, MORENO LAMBRUNA, LOSTAU Y

OTRO ASTRONAN A SURGI DI SU FILANAN

## E CLUB RIVER PLATE A PRODUCI E HUNGADORNAN MAS GRANDI DI ARGENTINA

BUENOS AIRES -- UPI -- River Plate ta e equipo di futbol mas famoso di Argentina den esfera internacional, como producto di su brillante historial y su giranan exitoso pa exterior.

E club di Rio Plata, a ser fundá 64 anja pasá y tabata campeón di Argentina den 12 ocasion, siendo e unico cu hunto cu Racing ta comparti e honor di a sali campeón den tres anja consecutivo.

Den e desplazamientonan pafor di e pais, River a laga marca di su bon futbol den un cantidad gran di weganan internacional y esaki ta ser recorda na varios nacion pa nan gestonan deportivo.

Un di esakinan por ehempel a sosode na 1949, ora cu a surgi e tragedia di Superga caminda un accidente di aviacion a laga e delegacion di e equipo Italiano Torino sin bida.

Pa mitiga e suceso funesto, River Plate, a traslada su mes gratuitamente pa Italia y pagando nan gastunan, cu e fin di realisa un partido pa e famianan di e victimanan. Esaki ta un gesto cu hamas lo ser lubidá pa e fanaticos italianos.

### CUNA DI FUTBOLISTANAN GLORIOSO.

Parti di e fama di cual e club ta goza di dje ta debi na e figuranan cu a surgi den nan filanan y cu awendia ta ser recorda pa e deportistanan di e ambiente futbolístico. Esnan di resonancia universal manera di Stefano, Pedernera, Rossi y Moreno etc.

a forma den defensa den e camisetan blanco cu franja corra.

Den un di su epocanan di gloria e liña delantera di River tabata ser yama "machin di futbol", ora cu e quinteto ta integra pa Muñoz, moreno, Pedernera, Labruna y Lostau.

Esaki a sosode entre anjanan 1941 pa 1948 cu otro hungadornan di fama manera di Stefano

y Rossi a surgi y nan actuacion a ser admira pa publiconan di Europa, y America.

Renato Cesarini ta e homber cu ta hasi algu grandi for di e hungadornan y ademas e ta ser considera como un di e mihor techniconan futbolista mundial.

Cesarini quende a pasa campeonatonan hubenil cu River y a train e hungadornan sensacional manera esnan cu a ser anuncia anteriormente, el a evidencia conocimentunan na Italia como instructor di Juventus cual el a proclama campeón, y asina tabata tambe inspirador di cu e club italiano mester a contrata Omar Sivori un di e actual estrellanan den futbol europeo.

### E RIVER PLATE DI AWENDIA

E formacion actual di River Plate ta presenta hungadornan internacional, cuminsando na e keeper Amadeo Carrizo di 38 anja di edad, cu a defende e colornan di Argentina den 42 oportunidad.

E tabata den e campeonato mundial di Suecia di 1958 y entre su conocido proezanan por corda e labor di Carizo den e torneo di nacionnan di Rio de Janeiro dos anja pasa, ora cu el a tene su gol liber contra Brasil Inglaterra y Portugal.

Otro keeper cu ta figura den alineacion ta Hector Gatti tambe internacional cu a yama atencion di e margen di futbol pa estilo di Beattie.

E liña di back ta ser representá pa e defensanan energico manera Bonzuch, Crispo y e Uruguayo Pedro Cubillas.

E hungadornan medio ta hungadornan di e campeonato mundial di Chile, di 1962, Sainz y Cap cu e equipo nacional di Argentina y Matossas cu e seleccion Uruguayo, precisamente Matossas tabata e hungador Uruguayo mas costoso cu a ser adquiri pa Argentina, ya cu su transferencia pa River Plate for di Penarol di Montevideo pa e cantidad di 22,000 dollar.

Den defensiva ta aparece e ya menciona Luis Cubillas, hungador mundial di Chile y Uruguay cu tambe ta pertenece na Barcelona di Espanja y ta hunga indistintamente di extremo robes y drechi.

Otro di e titularnan den e ataque ta e Brasileño Delem, cu a ocupa puestonan den e triple central.

E tabata internacional cu e seleccion Brasileño y tabata pertenece na Vasco da Gama. E centro-

delantero habitual Juan G. Lallana aunke esaki tambe ta alterna su posicon cu Artime, puntal di e seleccion Argentina.

no. Solari y Sarnari ta completa e elenco di vanguardia cu ta mantene e historico calidad ofensiva di River Plate.

## Tin rumornan cu Lechin no a regresa Bolivia

ASUNCION -- UPI -- Den e ultimo dianan tabata circula rumorin insistente di cu e vicepresidente di e republica Juan Lechin, no a regresa Bolivia i cu ainda e ta na Paraguay.

Sin embargo, fuentesnan mas autoris, consulta pa United Press International, a coincide awe cu e poderoso dirigente sindical efectivamente a regresa Bolivia diez dia pasa i cu ya e ta na frente di e partido revolucionario di izquierda nacional.

Doctor Enrique Valverde, exiliado boliviano i secretario politico di Lechin, a reitirana United Press International awe cu "Lechin ta na Bolivia", pero el a declara na duna detallanan riba e via utilisa pa su regreso subrepticio na e pais.

Valverde a bisa cu e dia pro-



Foto I; Gatti e keeper cu ta penja estilo di Beattie. II. E brasileño Wlamir Delem, un di e punteronan den e liña di ataque di River. III. Vladislav Cap, backcentral di e campeonato di Chile IV Juan Lallana, otro gran figura argentino.

me cu su partido, Lechin a expresá cu e ta considera un deber inecusable bai ascenario na unda e obreronan boliviano ta, pa participa den nan lucha i riesgonan.

Segun Valvardi a splica, e viahe a ser rodea di e mas es-

trecho secreto i solamente nos dos exiliado tabata informa di su decision di regresa Bolivia.

El a aña di cu pa razonnan elementales, di seguridad e secreto a ser mantene un siman i e ora ey e otro exiliadonan boliviano a ser informa.

## CANADA KIER DECLARACION DI NN.UU. RIBA VIETNAM

NACIONES UNIDAS--UPI--Canada a exhorta Asamblea General awe pa expresa clá i energicamente e conviccion colectiva di Nacionnan Uni di cu e guerra na Vietnam mester termina pa medio di e negociacion. E secretario di relacionnan exterior canadiense, Paul Martin den su discurso riba politica general di Asamblea General ante e delegadonan di 117 pais, a declara:

"Papiando na nomber di e canadiensenan, mi ta percata di cu ta un asunto di grave preocupacion den cual Nacionnan Uni a ser impedi na tuma medidanan efectiva den e crisis di Vietnam. Esaki ta un prueba pa Asamblea General. Nos no por soslaya nos respon-

sabilidad den e situacion grave aki. No por duda di e derecho cu ta asisti e pueblo interesá na resolve su porvenir liber di intimidacion, subversion i di e presion militar jamá liberacion. Sin duda esaki mester ta un principio cardinal den cualquier arreglo".

Martin a apela espiritu di transigencia i negociacion, i a aplaudi e afirmativa respuesta di Estados Unidos riba jamada di nacionnan no-comprometi, di april ultimo, na e negociacion sin condicionnan previa.

"E asamblea di NU, mester eherce tur influencia a fin di logra un arreglo negociá. E intransigencia mester cede e apelacionnan di husticia i humanidad. E solucion militar no ta viable di deseable".



Di robes pa drechi e hungador uruguayo cu a costa argentina mas placa, 220.000 dollar, meimei, Luis Cubillas, hungador uruguayo internacional cu tambe tabata pertenece na Barcelona di Espanja. na drechi, Amadeo Carrizo di 38 anja di edad, 42 biaha internacional y un di e glorianan di futbol argentino cu River Plate a produci.



**WIP-KIRBY**

Agente exclusivo di

**FRIESCHE VLAG**

pa cortesia di:

lechi evaporado y lechi en polvo

**JAN BODEGOM & CO (ARUBA) N.V.**
**MAXWELL HOUSE KOFFIE.**

**POR CUMPA ARUBANSE COURANT NA E SIGUIENTE LUGARNAN:**
**NA ORANJESTAD:**  
 BOKHANDEL MARISKA,  
 PIET SODA FOUNTAIN,  
 REFRESQUERIA INGRID

**NA SAN NICOLAS**  
 NICOLAAS STORE  
 UNION STORE.



- 11.00 Musica Colombiana
- 11.15 Voznan Popular
- 12.00 Oracion di merdia
- 12.03 Seccion Informativo
- 12.20 Noticia na Papiamento
- 12.30 News in English
- 12.45 Capsulas En Orbitas alrededor di Mundo Deportivo
- 1.00 Noticia na Papiamento
- 1.20 Fiesta Calypso
- 3.00 Musica Norte-Americano
- 4.00 La Esperanza y su Obsequio Musical
- 4.30 Variedad Musical en Complacencias
- 5.00 Noticia na Papiamento
- 5.30 Calypso Rama - Budweizer
- 5.45 Musica Chevere
- 6.00 Variedad Musical
- 6.15 Musica Colombiana
- 6.30 Noticia na Papiamento
- 6.45 Variedad Musical
- 7.00 Felicitaciones y Complacencias eticiones
- 7.45 Programa di Jule Nieuw
- 8.00 Programa di Club Bonaireano - Club Surnam
- 8.15 Continuacion di Fel. y Cumpl. Peticiones
- 8.30 Reddy Kilowatt
- 9.00 Desfile di Exitos
- 10.00 Antoranzas
- 10.30 Impacton Musical
- 11.00 Melodia y Romance Musical
- 12.00 Clausura

## RADIO VICTORIA

- 12.45 Quiet Time
- 1.00 Radio Concert Hall
- 2.00 Reading Room
- Hour of Decision (repeat)
- 2.15 Quiet Hour
- 2.30 Dr. Barnhouse and the Bible
- Bible Study Hour
- 3.00 Ensueños Musicales
- 3.30 La Hora Bautista
- Control Central
- Bo Pregunta Contesta
- Prosa Y Poesias
- Vida Nueva
- Titanes de Fe
- 3.45 Academia Cristiana
- Melodias del Alma
- 4.00 Musica di Banda
- 4.15 Ultimas Noticias
- 4.30 Listening Post
- Fun With Music
- 4.45 Sallor Sam
- Muchanan pa Cristo
- Children's Gospel Hour
- Fun With Music
- Music BOX
- Hobentud Pa Cristo
- 5.00 Vertel Uurtje
- Canta Leo
- E Ora Aventuroso
- Melodias del Alma
- Informacion di Gobierno
- 5.15 Palabranan di Bida
- 5.30 Ecos del Cielo
- La Voz del Evangelio
- 5.45 Musica Sagrada
- 6.00 Nederlands Nieuws
- 6.15 De Groene Welde
- Christelijke Liederen
- Christus tot de Volkeren
- der Aarde Gebracht (nervhaling)
- Voor Zijn Glorie
- Windows on Holland
- 6.30 World News
- 6.45 Lago Hour
- Baptist Hour
- Miracles
- Musical Interlude
- Haven of Rest
- Issues in the News
- 7.00 Organ Hymns that Live
- Sacred Songs
- 7.15 Off the Record
- 7.30 Miracles and Melodies
- Bible Time
- Light and Life Hour
- Haven of Rest
- Unshackled
- Showers of Blessing
- 7.45 Psychology for Living
- Look Up and Beyond
- 8.00 Musical Gems
- 8.30 Back tot the Bible
- 9.00 Klassieke Muziek
- 9.15 Dagaluiting
- 10.00 Sign Off

**DICK TRACY**

presenta pa cortesia di:

**VICTORIA BOTTLING COMPANY**
**PEPSI-COLA --- SEVEN UP --- GRAPETTE-KIST --- VICTORIA SODA WATER --- BUFFALO ROCK --- GINGER ALE**

**ISCO KID**

pa cortesia di:

**ARUBA BOTTLING COMPANY**
**NESBITTS den varios sabor, e refrescan mas pidi y mas gusta na Aruba.**


## CRUELDADNAN DI GUERRA

LAHORE -- UPI -- Rumornan di supuesta atrocidadnan cometi pa e tropnan india contra civilnan pakistano durante e reciente conflicto, ta cuminsa jegando na e zona di Lahore.

Incidentenan di crueldad contra aldeanonan musulman cu akeda den e zona di ocupacion india, a circula desde cu e fuerzan di Nueva Delhi a invadi Pakistan dia seis di september.

Awe ta ser papia dicasonan di secuestro en masa, tortura i morto den e zonanan di Pakistan cu e fuerzan india ta ocupa ainda, despues di e concertacion di e tregua ordena pa Nacionnan Uni.

Entretanto, e grupo di observadornan militar di Nacionnan Uni a bisa cu nan no a ricibi ningun informacion di violacionnan di cesacion di hostilidadnan.

## BOTICA DI WARDA:

Oranjestad: Botica Oduber: Tel: 1780.  
 San Nicolas: Botica San Lucas  
 Tel: 5119.



De Veer: 8.30 p.m. "The Fall Of The Roman Empire" 18 j  
 Rialto: 8.00 p.m. "Vuelven Los 5 Halcones" 18 j  
 Principal: 8.00 p.m. "The Stranger" 18 j  
 Aurora: 8.00 p.m. "Voy del Gallo" 18 j  
 Savaneta: 8.00 p.m. "Folies Bergere" 18 j

## TELEARUBA

- 5.30 Cartoons
- 6.00 Dennis the menace
- 6.30 Voorlichtingsdienst
- 6.45 Papiamento News Cast
- 7.00 Bugs Bunny
- 7.30 Papiamento Sports
- 7.45 Donna Reed
- 8.15 Schlitz sportsfilm
- 8.45 English Newscast
- 9.00 77 Sunset Strip
- 10.00 Defenders
- 11.00 Sign Off

## VOZ DI ARUBA

- 05.57 Apertura
- 06.00 Wake Up Easy (Country music)
- 06.30 Discolandia
- 07.00 Escala en Mejico
- 07.30 Noticias (Papiamento)
- 07.45 Monitor 1325
- 08.15 Noticias (Ingles)
- 08.30 Regalo Musical
- 10.00 Novela
- 10.30 Fantasia Musical

- 12.00 Musica Europea
- 12.15 Noticias (Hulandez)
- 12.30 Noticia (Papiamento)
- 12.45 Melodias Instrumental
- 13.00 Noticia Local (Papiamento)
- 13.15 Artistas Antillanas
- 14.00 Via lo musical
- 15.45 The Charter Platter
- 16.15 Noticias (Ingles)
- 16.30 Complacencias y felicitaciones
- 17.00 Ban econ. cum. na La Esperanza
- 17.30 Deporte na Marcha
- 17.45 Atardecer musical
- 18.30 Happy Days programme (S & F)
- 19.00 Noticia (Papiamento)
- 19.15 Musica Europea
- 19.30 Turntable 65.
- 20.30 Voz di Aruba safe driving Car Club
- 23.00 Clausura.

## RADIO KELKBOOM

- 7.00 Opening
- 7.02 Bon dia cu Alegria (Instrumental)
- 7.30 Noticia Internacional
- 8.00 Seleccion Musical cu disconan Latino Americano
- 8.30 Cumpleanjos Feliz
- 9.00 Noticia Social
- 9.15 Peticion Musical pa Telefono
- 10.00 Noticia Internacional
- 10.05 Musica Varia
- 10.30 Programa di N. Habibe Jr.
- 11.00 Noticia Internacional
- 11.05 Musica Norte Americana
- 11.15 Musica Antillana
- 11.30 Musica Varia
- 12.15 Noticia Internacional (Amstel)
- 12.30 Musica Norte Americana
- 12.45 Noticia Local (Viana)
- 01.00 Variacion di Ritmo Latino
- 01.30 Mei ora cu Boleros
- 02.00 Noticia

- 02.05 Novela Repeticion
- 02.30 Peticiones
- 03.15 Ritmos di Caribe
- 03.45 La Macorisana & Internacional Supermarket
- 04.00 Musica cu sabor Azteca
- 04.30 Noticia Local (Heineken's)
- 04.45 Cocktail Musical
- 05.00 Musica Varia
- 05.15 Musica Varia
- 06.00 Noticia Deportivo (Gillete)
- 06.15 Musica Varia
- 06.30 Musica para la cena
- 07.00 Musica Hulandes
- 07.15 Musica Hulandes
- 07.45 Musica Norte Americana (Instr.)
- 08.15 Novela (Colgate)
- 08.45 Musica Varia
- 09.15 Verzoekplaten Programma
- 09.45 Musica Varia
- 10.00 Sluiting.

## RADIO ANTILIANA

- 5.30 Apertura y Oracion
- 5.35 Manianita Arubana
- 5.45 Melodias di Wild West
- 6.10 News in English
- 6.30 Noticia na Papiamento
- 7.00 News in English
- 7.30 Noticia na Papiamento
- 7.45 Programa di Jule Nieuw
- 8.00 Espacio pa un Ritmo Criollo y un poesia
- 8.10 Variedad Musical
- 8.30 Musica y consejo dedicana tur nos amigonan automobilista
- 9.00 Noticia na Papiamento
- 9.15 Musica Norte-Americano
- 9.30 Mejico cantando via Radio Antiliana
- 10.00 Intermedio Musical
- 10.10 Noticia na Ingles
- 10.20 Programa di La Macorisana & International Supermarkets
- 10.40 Momento di Ritmo